

Լրատու

Թիւ 6 (Բացառիկ)
Դեկտեմբեր 2007

Կիպրահայ Զամայքի Պետական Ներկայացուցիչ Գրասենեակի



Սիրելի հայրենակիցներ,

Այս տարուայ վերջին եռամսեան եղաւ բացառիկ յաջողութիւններով լեցուն ու արդիւնաւետ շրջան մը այն իմաստով, որ արձանագրուեցան նշանակալից իրագործումներ եւ բարեփոխութիւններ ի նպաստ Կիպրահայութեան:

Քանի մը առիթներով, խօսքերուս մէջ անդրադարձած էի գործելածելիս եւ շեշտած էի թէ «պիտի աշխատիմ ծառայել եւ գործել ի շահ Կիպրահայութեան ընդհանրական շահերուն, զայն վեր դասելով անհատական շահերէ»:

Վերոյիշեալ սկզբունքէս մեկնելով, առաջին հարցը, որ ընտրութենէս անմիջապէս ետք գործի անցնելով նպատակադրած էի լուծել, «Լիտրա Բալասի»ի հայկական հին գերեզմանատան տիտղոս եւ անմխիթար վիճակն էր, որ քանի մը տարիէ ի վեր, հրատապ նիւթ դառնալով,

տեղ գրաւած էր ոչ միայն հայկական եւ տեղական մամուլի էջերուն մէջ, այլ նաեւ իրարամերժ տրամադրութիւններ ստեղծած մեր գաղութի բոլոր խաւերուն մօտ: Երկար ու յարատեւ հետապնդումներէ ետք, Հոկտեմբերի մէջ զիս տեղեակ պահեցին թէ Կիպրոսի բարեխնամ կառավարութիւնը վաւերացուցած է 90,000 Կիպրական Ոսկիի յատկացում կատարելու որոշումը, վերակառուցելու համար կիսաքանդ վիճակի մէջ գտնուող մեր գերեզմանատունը: Ներքին Գործոց Նախարարութենէն ստացուած 12 Նոյեմբեր 2007 թուակիր նամակը պաշտօնապէս կը հաստատէ վերոյիշեալ յատկացումը, ընդգծելով թէ գումարը պիտի տրուի երկու մասով՝ իւրաքանչիւրը 45,000 Կիպրական Ոսկիի չափով:

Երկրորդ հարցը, որ դարձեալ կարելոր կը նկատէի, կառավարութեան կողմէ մեր եկեղեցւոյ յատկացուած տարեկան նպաստի բարելաւումն էր: Ըստ վերջին յաւելումին, որ տրուած էր 1998 թուականին, մեր եկեղեցին կը ստանար 25,000 Կիպրական Ոսկիի օժանդակութիւն, հակառակ վերջին տարիներու կեանքի սղաճին: Յարատեւ տեսակցութիւններէ եւ պնդումներէ ետք, Նոյեմբեր 29ին տեղեկացայ, թէ յետ այսու այդ գումարը պիտի կրէ 40% յաւելում եւ յատկացումը պիտի ըլլայ 35,000 Կիպրական Ոսկի:

Երրորդ. Կիրակի, 6 Յունուար 2008էն սկսեալ, պաշտօնապէս պիտի գործէ Կիպրահայ Համայնքի կայքէջը, շնորհիւ Կիպրոսի Հանրապետութեան 5,000 Կիպրական Ոսկիի նիւթական օժանդակութեան: Ներփակուած թրդթիկով Ձեզ տեղեակ կը պահենք կայքէջի մանրամասնութիւններուն մասին:

Ինչպէս բոլորդ ականատես եղաք, Հոկտեմբեր 6ին եւ 7ին, աննախընթաց երկու ելոյթներով, Կիպրահայութիւնը առիթը ունեցաւ վայելելու «Արեւիկ» մանկապատահ

Նեկան համոյթի ներկայացումները, որոնք կազմակերպուած էին Երեսփոխանական Գրասենեակի Մշակութային Յանձնախումբին նախաձեռնութեամբ: Մանրամասնութիւններն ու նկարները տեսնել «Լրատու»ի յաջորդ էջերուն մէջ:

Գալով Կիպրոս բնակութիւն հաստատած մեր Յայաստանցի հայրենակիցներու անցագրի հարցերուն, ինչպէս փոխանցած էինք «Լրատու»ի 2-րդ թիւով, Երեսփոխանական Գրասենեակը ստանձնած էր նաեւ այս պարտականութիւնը, դիրացնելու համար անոնց կեանքը: Մեր նախաձեռնութեամբ եւ Յայաստանի Յանրապետութեան Յունաստանի եւ Կիպրոսի արտակարգ եւ լիազօր դեսպան Պրն. Վահրամ Կաժոյեանի համամտութեամբ, յարմար նկատուեցաւ դեսպանատան Յիւպատոսի պարբերական այցելութիւնը Կիպրոս, որ առաջին անգամ ըլլալով տեղի պիտի ունենայ 31 Յունուար 2008էն մինչեւ 2 Փետրուար 2008, մեր գրասենեակէն ներս: Յաւելեալ մանրամասնութիւններու եւ ժամադրութիւն ապահովելու համար կը խնդրուի կարդալ ներփակուած յայտարարութիւնը:

Խօսքիս վերջաւորութեան, Նոր Տարուայ եւ Ս. Ծնունդի զոյգ տօներուն առիթով, սրտանց կը շնորհաւորեմ Ձեզ, մաղթելով, որ 2008 թուականը բոլորիդ համար ըլլայ առողջութեան եւ փափաքներու իրականացումի, իսկ մեր Մայր Յայրենիքին ու Ժողովուրդին համար՝ նոր նուաճումներու, յաղթանակներու եւ վերելքի տարի մը:

Վարդգէս Մահտեսեան

Կիպրահայ Յամայնքի Պետական Ներկայացուցիչ

ԵՌԱՄՍԵԱՅ ԳՈՐԾՈՒՆԵՈՒԹԻՒՆ

Քաղաքացիական հարցեր եւ կեցուրթին

Մեր գրասենեակի աշխատանքները մասնաւորաբար կեդրոնացած են քաղաքացիական հարցերու եւ կեցութեան արտօսագիրներ ապահովելու վրայ: Սակայն, դժուարութիւններ ստեղծուեցան այն պարագաներուն, երբ կեցութեան ժամկետի աւարտէն առաջ նորոգութեան դիմումները ժամանակին չէին կատարուած: Հետեւաբար, անգամ մը եւս կը յանձնարարենք, որ մեր հայրենակիցները բժախնդիր ըլլան եւ իրենց կեցութեան արտօսագիրները նորոգելու համար դիմում կատարեն նուազագոյնը ժամկետի լրացման թուականէն 15 օր առաջ:

Քաղաքացիութեան համար դիմում կատարած անհատները նոյնպէս պարտաւոր են նորոգել իրենց կեցութեան արտօսագիրները, անկախաբար իրենց տրուելիք դրական կամ մերժողական պատասխանէն: Ինքնաբերաբար ապօրինի կը նկատուի մերժում ստացած անհատներուն կեցութիւնը, որոնք ժամանակին թերացած են նորոգելու իրենց կեցութեան արտօսագիրը:

Այն անհատները, որոնք աշխատանքային համաձայնագրով (Employment Contract) բնակութիւն հաստատած են Կիպրոսէն ներս, համաձայնագրի լրացման թուականէն նուազագոյնը երկու ամիս առաջ, պարտին իրենց գործատրերուն միջոցաւ դիմում կատարել աշխատանքային գրասենեակ (Labour Office), նախ՝ աշխատանքի հրաման ապահովելու եւ ապա աշխատանքային համաձայնագիրը վաւերացնելու համար: Միայն վերոյիշեալ գործողութիւնները աւարտելէ ետք կրնան դիմում կատարել Օտարահպատակներու եւ Ներգաղթի բա-

Ժանմունք (Aliens & Immigration Unit), կեցուրթեան եւ աշխատանքային արտօժանարար ստանալու համար:

Հպատակութիւն

Հպատակութեան դիմումներուն գծով շատ լուրջ եւ հետեւողական աշխատանք կը տարուի Պետական Ներկայացուցիչին կողմէ: Ան շաբաթական հանդիպումներով կը հետապնդէ մի քանի տարիէ ի վեր դիմում կատարողներուն հարցերը, յուսալով թէ մօտ ապագային ամբողջական փաստաթուղթեր եւ օրինաւոր նկատուած թղթածրարներ ունեցողներուն դրական պատասխան պիտի տրուի: Տեղին է նշել թէ, ներկայ պայմաններուն տակ, հպատակութեան դիմում մը կը կարօտի մօտ 2-3 տարի:

«Արեւիկ» Մանկապատանեկան Համոյթ

Երեսփոխանական Գրասենեակի Մշակութային Յանձնախումբը մեծ յաջողութեամբ իրականացուց «Արեւիկ» Մանկապատանեկան Համոյթի երկու ելոյթներ, որոնք տեղի ունեցան Շաբաթ, 6 եւ Կիրակի, 7 Հոկտեմբերին, Նիկոսիոյ Ստրովոլոս Քաղաքապետարանի շքեղ հանդիսասրահին մէջ:

Յաջորդական ելոյթներուն ներկայ գտնուեցան Հայ թէ Յոյն պատկառելի անձնաւորութիւններ եւ դեսպաններ: Կիպրահայութեան մասնակցութիւնը, առաջին անգամ ըլլալով, մրցանիշ մը արձանագրեց, աւելի քան 1,200 հանդիսատեսներու ներկայութեամբ:

«Արեւիկ» համոյթը, Շաբաթ օրուայ ելոյթէն ետք հիրասիրուեցաւ Վարդգէս եւ Մակի Մահտեսեաններու բնակարանին մէջ, ուր անոնք մօտէն առնչուեցան եւ ծանօթացան կազմակերպիչ յանձնախումբի՝ Երեսփոխանական Գրասենեակի Մշակութային Յանձնախումբի անդամներուն հետ:



Իրենց կեցութեան ընթացքին, անոնք այցելեցին Նիկոսիոյ Ս. Աստուածածին Եկեղեցին եւ Ազգային Առաջնորդարան, հիւրընկալուելով Գերշ. Տէր Վարուժան Արք. Զերկէեանի կողմէ:

«Արեւիկ» համոյթը շրջապտոյտ մը ունեցաւ նաեւ դէպի Այա Նաբա, վայելելու համար Միջերկրական ծովու լողանքը ու ջերմ արեւը:

Լառնաքայի Զայ Ակումբը «Արեւիկ» խումբը պատուեց ճաշկերոյթով մը, որու ընթացքին անոնք առիթը ունեցան մօտէն ծանօթանալու Կրտսերներու Եւրոտեսիլին Կիպրոսը ներկայացնող Եորդոս Եուանիտիսին (Պոյաճեան): Տեղին է յիշել, որ Զայ Պետական Ներկայացուցիչը շնորհաւորեց Եորդոն ու անոր մաղթեց յաջողութիւն:

Մեծ էր ժողովուրդին խանդավառութիւնը: Մինչեւ օրս մեր փոքրերը ոգևորութեամբ կը դիտեն «Արեւիկ»ի տեսահոլովակը: Բարձր էին նաեւ խումբի անդամներուն տրամադրութիւնները, որոնք գոհունակութեամբ ու մեծ տպաւորութեամբ վերադարձան Զայաստան:

Դեկտեմբեր 8ին, «Արեւիկ» առաջին անգամ ըլլալով իր մասնակցութիւնը բերաւ Ռոթերտամի մէջ կայացած Կրտսերներու Եւրոտեսիլին եւ գրաւեց 2-րդ դիրքը: Այս ուրախ առիթով, Պրն. Մահտեսեան շնորհաւորական երկտող մը ուղղեց խումբի ղեկավար Պրն. Արմէն Տիվանեանին, մաղթելով «Արեւիկ»ին նորանոր նուաճումներ:

Կուրծքի քաղցկեղի կանխարգիլման ձեռնարկ

Երեսփոխանական Գրասենեակի կազմակերպութեամբ երկրորդ ձեռնարկը տեղի ունեցաւ Կիրակի, 14 Զոկտեմբեր 2007ին, Նիկոսիոյ Hilton Park պանդոկին մէջ: Զոկտեմբեր ամիսը ըլլալով Կուրծքի քաղցկեղի կանխարգիլման եւ նախազգուշութեան նուիրուած ամիս, յարմար նկատեցինք մեր օրիորդներն ու տիկիները հա-

ղորդակից դարձնել այս հիւանդութիւնը դիմագրաւելու միջոցներուն: Օրուան պատգամը փոխանցեց Տոքթ. Էլէ-նի Թեօխարուս, իսկ վիճակագրական արդիւնքներու դասախօսութեամբ ելոյթ ունեցաւ Տիկ. Սթելլա Զիրիաքիտես, ամփոփ տեսերիզի մը ցուցադրութեամբ:

Տարեցներու Խորհրդարան

Ինչպէս տեղեկացուցած էինք «Լրատու»ի Նախորդ թիւով, Յուլիսին, Կիպրահայ Յամայնքի Պետական Ներկայացուցիչը Տարեցներու Խորհրդարանի երեսփոխան եւ փոխ-երեսփոխան նշանակած էր յաջորդաբար Տիկ. Անահիտ Էսկիճեանը եւ Տիկ. Էլսի Իւթիւճեանը: Անոնք տքնաջան աշխատանք կը տանին 2008ի առաջին ամիսներուն հանդիպումներ կազմակերպելու մասնագետ անձերու հետ, որոնք մանրամասն տեղեկութիւններ պիտի փոխանցեն թոշակառուներու իրաւունքներուն եւ կառավարական նպաստներուն մասին: Չուգահեռ աշխատանք կը տարուի նաեւ գրքոյկի մը պատրաստութեան գծով, որ պիտի ընդգրկէ թոշակառուները հետաքրքրող Կիպրոսի կառավարութեան տրամադրած բարոյական եւ նիւթական օժանդակութիւնները, բարելաւելու երրորդ տարիքի մէջ եղող անհատներու կեանքի պայմանները:

Խորհրդաժողովի մասնակցութիւն

Պրն. Վարդգէս Մահտեսեան 15-16 Յոկտեմբեր 2007ին կը գտնուէր Պրիւքսել, մասնակցելու համար Եւրոպայի Հայ Դատի Յանձնախումբի կազմակերպած 2-րդ յանձնաժողովին: Ան, ընդառաջելով Հայ Դատի Յանձնախումբի հրաւերին, իր ներկայութեամբ, Կիպրահայութեան զօրակցութիւնը յայտնեց, հայ թէ օտար քաղաքական անձնաւորութիւններու, Հայաստանի Պետութեան ներկայացուցիչներու եւ Հայ եկեղեցիներու պետերու

կողքին, Թուրքիոյ անգիջող քաղաքականութեան դէմ տարուած աշխատանքներուն եւ Հայկական Տեղասպանութեան միջազգային ճանաչման ապահովումին գծով:



Պրիւքսէլ, 15-16 Հոկտեմբեր 2007

Կիպրոսի փոքրամասնութիւններու խորհրդածողով

Կիպրոսի Եւրոպական Համալսարանի (նախկին Cyprus College) կազմակերպութեամբ, Շաբաթ 24 եւ Կիրակի 25 Նոյեմբերին, տեղի ունեցաւ «Փոքրամասնութիւններ՝ Կիպրոսի մէջ» նիւթով համաժողով մը, մասնակցութեամբ Հայ, Մարոնիթ եւ Լատին համայնքներու ներկայացուցիչներուն, Կիպրացի եւ օտար հիւր-դասախօսներու ինչպէս նաեւ համեստ թիւով ունկնդիրներու ներկայութեամբ:

Կիպրահայութեան անցեալի ու ներկայի ընկերային եւ մշակութային կեանքին մասին պատմական տեղեկութիւններով եւ տուեալներով ելոյթ ունեցան Փրոֆ. Ժերար Տետէան, Դոկտ. Սիւզան Փաթի, Կիպրահայ Դոկտ. Սօսի Գասպարեան եւ Դոկտ. Վարդան Օզինեան:



Կիրակի, 25 Նոյեմբերին, կլոր սեղանի ընթացքին, Պրն. Մահտեսեան խօսելով Հայ Համայնքի դերին մասին, մասնաւորաբար մատնանշեց կարգ մը հիմնական կետեր, որոնց պակասը կը դժուարացնէ Հայ Ներկայացուցիչին արդիւնաւետ գործունեութիւնը Կառավարական շրջանակներէն ներս: Ան անհրաժեշտ նկատեց Հայկական ամպիոնի մը ստեղծումը

Կիպրական Պետական Համալսարանէն ներս ու խիստ կարեւոր՝ Կիպրոսի դպրոցական պատմութեան դասագիրքերուն մէջ, Կիպրահայ համայնքին մասին պատմական, մշակութային եւ կրօնական տեղեկութիւններու ներառումը: Իր խօսքի աւարտին, ան շեշտեց սահմանադրական օրէնքով սահմանուած կրօնական փոքրամասնութիւն կարգավիճակէն դուրս գալու կարելորութիւնը եւ փոխարէնը որպէս ազգային փոքրամասնութիւն ճանչցուիլը, ինչ որ լայնօրէն պիտի նպաստէ Հայ գաղութի իրաւասութիւնները ամրապնդելու աշխատանքին:

Կլոր սեղանի աւարտին տեղի ունեցաւ գաղափարներու փոխանակում, որմէ ետք ներկաները մեծ գոհունակութեամբ բաժնուեցան:

Կիպրոս գտնուելուն առիթով, Ուրբաթ 30 Նոյեմբեր 2007ին, Պետական Ներկայացուցիչը հանդիպում մը ունեցաւ Դոկտ. Վարդան Օգինեանին հետ, որ մեծ աշխատանք կը տանի, որպէս Pro Edvcatio միջազգային Ֆորումի բանբեր, ի մասնաւորի Մելգոնեան Կրթական Հաստատութեան վերաբացման եւ արեւմտահայերէնի պաշտպանութեան ծիրերէն ներս:

Ճնորհաւորական գիրեր

Կիպրահայ Զամայնքի Պետական Ներկայացուցիչը 12 Զոկտեմբեր 2007ին, անհատական նամակներով իր եւ Կիպրահայ գաղութի շնորհաւորութիւնները ուղղեց Ամերիկայի Միացեալ Նահանգներու Ներկայացուցիչներու Տան Արտաքին Յարաբերութեանց Յանձնախումբի Նախագահ Պրն. Թոմ Լանթոսին եւ Ամերիկայի Զայ Դատի Յանձնախումբի Գործադիր Տնօրէն Պրն. Արամ Զամբարեանին, իրենց տարած անսակարկ աշխատանքին համար, որուն իբրեւ արդիւնք Զայկական Տեղասպանութիւնը ճանչցող թիւ 106-րդ բանաձեւը, պատմական անդրադարձ արձանագրելով որդեգրուեցաւ ներկայացուելու Ամերիկայի Միացեալ Նահանգներու Քոնկրէսին:

Պետական-պաշտօնական մակարդակի հանդիպումներ

Զինգշաքթի, 27 Սեպտեմբեր 2007ին, Պրն. Մահտեսեան հանդիպում մը ունեցաւ Կիպրոսի Զանրապետութեան Տնօրէնութեան Նախարարութեան Ընդհանուր Տնօրէն Պրն. Եորդոս Փափատորղիուի հետ, ներկայութեամբ ԶԶ Արտաքին Գործոց Նախարարութեան Պաշտօնէութեան Վարչութեան բաժանմունքի 3-րդ քարտուղար Տիկ. Լիանա Գրիգորեանի եւ Զանրային Ծառայութեանց Գիտական Ուսուցման բաժանմունքի գլխաւոր պատասխանատու Պրն. Գեղամ Սարգսեանի: ԶԶ Նախագահ Ռոպերթ Քոչարեանի Նոյեմբեր 2006 Կիպրոս կատարած այցէն ետք, այս հանդիպումը առաջին քայլն էր Զայաստան-Կիպրոս կապերը զարգացնելու առնչութեամբ:

Ուրբաթ, 5 Զոկտեմբեր 2007ին, Պետական Ներկայացուցիչը հանդիպում մը ունեցաւ Կիպրոսի մօտ Իրանի Իսլամական Զանրապետութեան դեսպան Պրն. Ալի Ռեզա Պիքտէլիի հետ: Զանդիպումը ընթացաւ մտերմիկ

մթնուլորտի մը մեջ, ուր քննարկուեցան երկար տարիներու Հայաստան-Իրան փոխ-յարաբերութիւնները:

Նոյն օրը կեսօրին, Պրն. Մահտեսեան հանդիպում մը ունեցաւ Աշխատանքային Գրասենեակի եւ Ընկերային Ապահովագրութեան Ընդհանուր Տնօրէն Պրն. Լեանտրոս Սիքոլայիտիսին հետ, ներկայութեամբ առաջին տեղակալ Պրն. Տիմիթրիս Միխայիլիտիսին: Անոնք իրենց պատրաստակամութիւնը յայտնեցին օժանդակելու հայազգի անհատներու աշխատանքային արտօժագիրներու դիմումներուն:

Երեքշաբթի, 9 Յոկտեմբեր 2007ին, Պրն. Վարդգէս Մահտեսեան հանդիպում մը ունեցաւ Ներքին Գործոց Նախարար Դոկտ. Էրիստոս Բաթսալիտիսին հետ, Ներքին Գործոց Նախարարութեան Ընդհանուր Տնօրէն Դոկտ. Լազարոս Սավիտիսին ներկայութեամբ: Պրն. Ներկայացուցիչը նախարարին յանձնեց քաղաքացիութեան եւ կեցութեան դիմումներ ներկայացնողներու երկրորդ ցանկը: Այս հանդիպումին որոշում առնուեցաւ շաբաթական հանդիպումներով հետապնդել քաղաքացիական դիմումներուն կացութիւնը, արագացնելու նպատակով անոնց ընթացքը:

Հինգշաբթի, 11 Յոկտեմբեր 2007ին, Պոլսոյ Կետիկ Փաշա շրջանի Հայ Աւետարանական Եկեղեցւոյ հովիւ Վերապատուելի Գրիգոր Աղապալօղլու, որ Կիպրոս կը գտնուէր դասախօսութիւններ տալու Նիկոսիոյ, Լառնաքայի եւ Լիմասոլի մէջ, ընկերակցութեամբ Պրն. Հրայր ԸԵպէճեանի, ծանօթացման հանդիպում մը ունեցաւ Պրն. Վարդգէս Մահտեսեանին հետ:

Կիրակի, 11 Նոյեմբեր 2007ին, Պրն. Մահտեսեան տեսակցութիւն մը ունեցաւ Հայկական Բարեգործական Ընդհանուր Միութեան Կեդրոնական Վարչական Ժողովի Ատենապետ Պրն. Պերճ Սեդրակեանին հետ, ներկա-

յութեամբ Պրն. Պենոն Սեւանի: Հանդիպումին առանցքը կազմեցին Կիպրահայությունը եւ համայն հայութիւնը յուզող հարցեր:

Երկուշաբթի, 19 Նոյեմբեր 2007ին, Պետական Ներկայացուցիչը հանդիպում մը ունեցաւ Այոս Տոմետիոսի շրջանի քաղաքապետ Դոկտ. Անտրեաս Հատճիլոխիզուհին հետ: Հանդիպումին աւարտին, քաղաքապետը պատրաստակամութիւն յայտնեց պարբերաբար հոգալու Այոս Տոմետիոս շրջանին մէջ գտնուող Հայկական գերեզմանատան մաքրութիւնը:



Այոս Տոմետիոսի քաղաքապետին հետ

Նոյն օրը, Պրն. Մահտեսեան, կեսօրուան ճաշի հիւրը եղաւ Փորթուկալի Դեսպան Պրն. Անթոնիօ Տը Քարվալիոյի, վերջինիս հրաւերով: Անոնք մտերմիկ գրոյց ունեցան Կիպրահայ համայնքի գործունեութեան մասին:

Ուրբաթ, 23 Նոյեմբեր 2007ին, Պրն. Մահտեսեան տե-

սակցութիւն մը ունեցաւ 3-4 տարի սպասում, հիմնարկի ծրագիրներու շինութեան ուշացումին պատճառով:

Չորեքշաբթի, 28 Նոյեմբեր 2007ին, Պետական Ներկայացուցիչին բնակարանը ճաշի հրաւիրուեցաւ 3այաստանի 3անրապետութեան Իրաքի Նախկին դեսպան Պրն. Եուրա Պապախանեանը, որ Կիպրոս կը գտնուէր ներկայացնելու համար 3այաստանի 3անրապետութիւնը Եւրոպական Դրացնութեանց Զաղաքականութիւն (European Neighbourhood Policy) խորհրդածողովին:

«Լիտրա Բալաս»ի

Հայկական գերեզմանատան վերականգնում

Կիպրոսի կառավարութեան պատկան անձնաւորութիւններուն մօտ աւելի քան մէկ տարուայ հետապնդումէն ետք, Պետական Ներկայացուցիչ Պրն. Վարդգէս Մահտեսեան Ուրբաթ, 19 3ոկտեմբեր 2007ին բերանացի տեղեակ պահուեցաւ, թէ հայկական գերեզմանատան վերականգնման աշխատանքներուն համար կառավարութիւնը որոշած է օժանդակել յատկացնելով 90,000 Կիպրական Ոսկի: Ներքին Գործոց Նախարարութենէն ստացուած 12 Նոյեմբեր 2007 թուակիր Նամակը, պաշտօնապէս կը հաստատէր կառավարութեան իշխանական օժանդակութիւնը: Պրն. Մահտեսեան Կիպրոսի Կառավարութեան իր խորին երախտագիտութիւնը յայտնելով, վստահեցուց թէ 2008ին 3այ եկեղեցին ու համայնքը ամէն ջանք ի գործ պիտի դնեն, վերանորոգելու եւ պատմական ու ճարտարագիտական յուշահամալիրի մը վերածելու այս գերեզմանատունը:

Ձեռնարկներու ներկայութիւն

Ուրբաթ, 28 Սեպտեմբեր 2007ին, Պետական Ներկայացուցիչը ներկայ գտնուեցաւ Մարոնիթ համայնքի կազմակերպութեամբ հաւաքի մը, ուր ան խօսք առնելով, ընդգծեց Եւրոպական Միութեան Խորհրդատու Մարմինի Փոքրամասնութիւններու Ազգային Դիմագիծի Պահպանութեան գծով տարուած աշխատանքներուն կարեւորութիւնը, միեւնոյն ժամանակ մատնանշելով առնուած որոշումները գործադրութեան դրուելու վարչամեքենային դանդաղ ընթացքը:

Կիրակի, 30 Սեպտեմբեր 2007ին, Տէր Եւ Տիկին Վարդգէս Մահտեսեաններ ներկայ գտնուեցան Լիմասոլի Ս. Գեորգ Եկեղեցւոյ անուանակոչութեան արարողութեան:

Տէր Եւ Տիկին Վարդգէս Մահտեսեան պաշտօնապես հրաւիրուելով, Շաբաթ 15 Դեկտեմբեր 2007ի երեկոյեան, ներկայ գտնուեցան Նոր Սերունդ Մշակութային Միութեան ճաշկերոյթ-պարահանդեսին:

Ստացուած նամակ

Օգոստոս 20ին, Մելգոնեանի Խորհրդատու Մարմնի Ատենապետ Պրն. Սմբատ Տեվլեթեանի ստորագրութեամբ նամակ մը յղուեցաւ Պրն. Մահտեսեանին, որուն պատասխանը դրկուեցաւ 24 Դեկտեմբեր 2007ին:

Առ ի գիտութիւն մեր ժողովուրդին, երկու նամակներն ալ յանձնուեցան Կիպրահայ թերթերուն, անոնց ընդգրկած կարեւոր բովանդակութեան համար Եւ Հայ Պետական Ներկայացուցիչին թափանցիկ ձեւով աշխատելու սկզբունքին: «Արձագանգ» ամսաթերթը ընդառաջեց տպելու զոյգ նամակները, սակայն «Ազատ Ձայն»ը, անհասկնալի պատճառաբանութիւններով մերժեց հրապարակել նամակները, հակառակ իր գործածած «Յանուն Ազատ Մտքի Եւ Ազատ Խօսքի» նշանաբանին:

Կիպրահայ համայնքի կայքէջ

Նոյեմբերին, շուրջ մեկ տարուայ խորհրդակցութիւններէն ետք, Կիպրոսի կառավարութեան կողմէ վաւերացուեցաւ կրօնական փոքրամասնութիւններուն կայքէջի դրութեան հաստատման եւ նիւթապէս օժանդակելու հարցը: Պրն. Մահտեսեան Կիպրահայ Զամայնքի կայքէջի պատասխանատու նշանակեց Տոքթ. Նազարեթ Արմենակեանը, որ արհեստավարժի կարողութիւններով եւ արդիական ոճով կրցաւ տպաւորիչ կայքէջ մը պատրաստել: Այս կայքէջին պաշտօնական բացումը պիտի կատարուի Զայ Զամայնքի Ս. Ծնունդի օրը, Կիրակի, 6 Յունուար 2008ին, որ ուղղակի պիտի ձայնասփռէ Նիկոսիոյ Ս. Աստուածածին Եկեղեցւոյ մէջ մատուցուելիք ժամերգութիւնն ու Ս. Պատարագը:

Կայքէջը, երիտասարդութիւնը ներգրաւելու համար, պիտի ընդգրկէ խաղեր ու մրցանքներ, ինչպէս նաեւ մշակութային, քաղաքական լուրեր եւ պատմագրական տեղեկութիւններ Կիպրահայութեան մասին: Զոն տեղ պիտի գտնեն նաեւ Պետական Ներկայացուցիչի գործունեութիւնն ու «Լրատու»ն: Զիմնական լեզուն պիտի ըլլայ Անգլերէնը, որուն պիտի յաջորդեն Յունարէն եւ Զայերէն լեզուներով բաժիններ:

Նշենք, որ վերոյիշեալ ծրագիրին համար կառավարութիւնը օժանդակեց 5,000 Կիպրական Ոսկիով:



Ծանոթանանք Կիպրոսի Հանրապետության Օրենքերուն

Երկարամեայ Կեցութեան Արտօնագիր (Long-Term Residence)

Սօտաւորապէս 10 ամսուայ ուշացումէ ետք, Երկուշաբթի, 19 Նոյեմբեր 2007ին, Ներքին Գործոց Նախարարութեան Օտարահպատակներու եւ Ներգաղթի Բաժանմունքէն ստացանք Երկարամեայ Կեցութեան Արտօնագիրի (Long-Term Residence) պայմաններն ու դիմումնագիրները:

Ամփոփ կետերու մէջ, ստորեւ կը ներկայացնենք հիմնական նախապայմանները:

Դիմում կրնան ներկայացնել երրորդ երկրի պատկանող այն քաղաքացիները, որոնք

1. Օրինաւոր բնակութիւն հաստատած են Կիպրոսի Հանրապետութեան օրինական բաժինին մէջ վերջին հինգ (5) յաջորդական տարիներուն՝ առանց ընդհատումի

2. Ունին ի զօրու կեցութեան արտօնագիր

3. Ունին 2 տարուայ ի զօրու անցագիր

4. Կրցած են ապահովել յաջորդ տասնըութ (18) ամիսներու աշխատանքային համաձայնագիր (Employment Contract)

5. Վերջին հինգ (5) տարիներու ընթացքին վճարած են Ընկերային Ապահովագրութեան (Social Insurance) ամսավճարներ

6. Լրացուցած են վերջին հինգ (5) տարիներու Եկա-

մուտի Տուրքի (Income Tax) հաստատագիրներ

7. Կրկան ներկայացնել դրամատան հաշուեցույց (Bank Statement)

8. Ունին Առողջապահական Ապահովագրության համաձայնագիր (Health Insurance)

9. Կրկան ոստիկանութենէն ապահովել Բարի Վարուց վկայագիր (Police Clearance).

Չեն կրնար դիմում կատարել բոլոր անոնք, որոնք ունին հետեւեալ կարգավիճակները.-

- Քաղաքական Ապաստանեալ
- Անհատներ՝ յատուկ Պաշտպանութեան կարգավիճակով
- Ուսանողներ

Դիմումները պիտի յանձնուին Ներգաղթի եւ Օտարահպատակներու Բաժանմունք վճարելով 250.00 Կ.Ո կանխիկ (cash), իսկ ընդունման կամ մերժումի պարագային, դիմողները գրաւոր տեղեակ պիտի պահուին 4-6 ամսուան ընթացքին: **Այն դիմումագիրները, որոնք ամբողջական փաստաթղթերով չեն ներկայացուիր, տեղւոյն վրայ ետ պիտի վերադարձուին:**

Եւրո Դրամանիշի Որդեգրում

01.01.2008

Ինչպէս արդէն տեղեակ էք, Կիպրոսի խորհրդարանը 15 Մարտ 2007ին վաւերացուց Եւրո դրամանիշի որդեգրման օրէնքը, որ 2008 թուականէն սկսեալ պիտի փոխարինէ Կիպրական Ոսկին:

10 Յուլիս 2007ին, Եւրոպական Միութեան իշխանութիւնները անփոփոխ փոխանակումի սակ հաստատեցին՝ **€1 = £ 0.585274**, որ ուժ պիտի ստանայ 1 Յունուար 2008էն սկսեալ:

Ստորել կը ներկայացնենք Կիպրական Ոսկիի փոխարժեքները Եւրոյով եւ Եւրոյի փոխարժեքները Կիպրական Ոսկիով.-

£ 1.00	€ 1.71	€ 5.00	£ 2.93
£ 5.00	€ 8.54	€ 10.00	£ 5.85
£ 10.00	€ 17.09	€ 20.00	£ 11.71
£ 20.00	€ 34.17	€ 50.00	£ 29.26
		€ 100.00	£ 58.53
		€ 200.00	£ 117.05
		€ 500.00	£ 292.64

Կիպրական Ոսկին եւ Եւրոն զուգահեռաբար շրջանառութեան մէջ պիտի ըլլան 1 Յունուար 2008էն մինչեւ 31 Յունուար 2008: Յունուար ամսուան ընթացքին, Կիպրական Ոսկիով կանխիկ առեւտուր կատարելը հնարաւոր է, սակայն մնացորդը միայն Եւրոյով պիտի վերադարձուի սպառողին: Այս ձեւով Կիպրական Ոսկին աստիճանաբար պիտի վերցուի շուկայէն:

Իսկ 1 Փետրուար 2008-էն սկսեալ, Կիպրական Ոսկին կանխիկ գործածութիւնը օրինական չէ Կիպրոսի մէջ:

Փոխգիրի (cheque) գործածութիւնը Կիպրական Ոսկիով ընդունելի չէ 1 Յունուար 2008էն սկսեալ, փոխարէնը՝ Եւրո փոխգիրի գործածութիւնը պայման է:

Դրամատունները, առանց յաւելեալ ծախսի, 1 Յունուար 2008էն մինչեւ 30 Յունիս 2008 Կիպրական Ոսկին պիտի փոխանակեն Եւրոյով: Վերոյիշեալ թուականէն ետք, փոխանակումը արտօնուած պիտի ըլլայ միայն Կեդրոնական Դրամատան միջոցով: Նոյնպէս բոլոր դրամատունները 1 Յունուար 2008էն սկսեալ, Կիպրական Ոսկիով եղած հաշիւները (accounts) ինքնաբերաբար պիտի փոխարինեն Եւրո հաշիւի թիւերով, առանց յաւելեալ ծախսի:

Վարդգես Եւ Մակի
Մահտեսեաններ
Ամանորի Եւ Ս. Ծնունդի
գոյգ տօներուն առիթով
սրտանց կը շնորհաւորեն
Կիպրահայութիւնը, մաղթելով
առողջութիւն Եւ երջանկութիւն:

Թող 2008 թուականը մեր
Մայր Հայրենիքին համար ըլլայ
բարգաւաճումի, յարատեւ վերելքի
Եւ ազգային հիմնահարցերու բարուք
լուծումի տարի մը:

ԿԻՊՐԱՀԱՅ ՀԱՄԱՅՆՔԻ ՊԵՏԱԿԱՆ ՆԵՐԿԱՅԱՑՈՒՑԻՉԻ ԳՐԱՍԵՆԵԱԿ

Քաղաքական Գրասենեակ

9B & C Kastorias Street, Ayia Paraskevi, 2002 Strovolos
Հեռախօս 22- 45 45 40, Հեռատիպ 22- 42 46 42
Ել. Հասցէ office@armenianmp.com
Ոստայնէջ՝ <http://www.armenianmp.com>

Խորհրդարանական Գրասենեակ

Office Δ-2-2, House of Representatives, 1402 Nicosia
Հեռախօս 22- 40 72 02, Հեռատիպ 22- 40 74 42
Ել. Հասցէ vmahdessian@parliament.cy